

Schweizer Nationalfeiertag


01. Aug.

Frisch zugg vo de Ferie, het s House of Swiss, e 01. August-Party veranstaltet. Debi hend mir na Bsuech gha vom Roman Spörri und de Helene Schoch us em Fischental. Sie beide hend Tatkräftig mitghulfe zu dere Fiir. S het ja schliesslich au viel zum parat mache geh. (ersichtlich i de Fotene) D Hauptattraktionen sind xsi: Fröhliches beisammen sein, **Grill'n** **Chill'n** und **Bierchen kill'n**, riesigs Fүүr, Fүүrwerch, Wasserschlacht, Fүүrshow, und zu guter letzt Traditioneller wiis s SINGÄ vo de Nationalhymne! ☺



Obwohl mer alles sehr spontan planed und organisiert händ, hät alles tip top klappet. Am Schluss händ öbe 20 Persone a eusem Feschtli teilgnoh.

Zu guter letzt, VIELE DANK A ALLI WO MITGHULFE, TEILGNO ODER SUST ÖPPIS DEMIT Z TUE GHA HEND! Es isch würklich **SAU GLATT** xsi das Fescht!



Newsletter Canada

Chrampferwuche

02. -06. Aug.

Nach dem aastrengende Fiirtig hend mir direkt wieder müesse id Hose stiege und Chrampfe wie di halb verruckte! (Bild rechts)

A de erste Täg sind mir im Shop xsi und chli spöter sind mir is Feld gange wo mir Kultiviert, Stei pickt, Felse zum Bode usegrisse, scrapet (Dreck abtreit), baggeret, eifach d Felder ufgrumt hend.



Sonntag

07. Aug.

Da mir ja di Regionali Ziitig au läset *hahaha*, hend mir es Inserat entdeckt, wo's Werbig gmacht hend für PaintBall. Mir hend denkt das Probieret mir mol us. Nach anderhalb Stund spiele hend mir denn ufghört, will das isch ja soooooo streng! Sind mir mol ehrlich. Streng wers nöd aber s het Muskelkater geh. Di blaue, tennisballgrosse, runde Flecke sind au erscht nach 3 Täg vergange. Mit de nötige Swiss Army erfahrig hend mir natürlich di anderi Kanakegruppe abekauft und bodiget. (Somit Grüess an Ueli Murer!! ☺ > und sel nöd heisse s Militär seg für nüüt)

Als glunge Tagesabschluss hend mir denn beschlosse zum go Z'nacht esse z go! En Guete!

Chrampferwuche

08. -13. Aug.

Die Wuche het fascht glich usgseh wie di letschti Wuche, darum schrib ich mol chli vo de Zuekunft, de Felder, und wie, was usgseht!

Üseri gsäiete Felder gsend super, spitzemässig us. De Weize fangt scho aa gälb werde, und de Rabs isch scho verblüeht. Es sind ja au scho 80 Täg vergange sit mir gsäiet hend, und de volli riifigsprozess brucht öppe 100 Täg. JA ihr hend richtig gläse, s ernte stah scho vor de Türe... Aber zerscht müend mir na die Mähdrescher parat mache. Bevor mir aber erntet tünd mir de ganzi Weize na eimol sprütze, das de denn au sicher ganz gälb isch wenn mir de abhauet!

Newsletter Canada

Sunntig

14. Aug.

Da hend mir mol ganz en gstresste Sunntig gha! Am Mittag hets aagfange ☺ zersch snd mir gad wieder mol go PaintBall spiele wills üs eso guet gfalle het. Demol sind mir e eigeni Gruppe vo 7 Lüüt gsi. Nach 2 Stund isch üseri Ziit abglaufe xsi. Denn sind mir an nöchlegne See gange go bädele und Sünnele. Gege de Obig here sind mir na öppe 1 Stund in Oste gfahre zum es Combine Demolition Derby go luege. Das isch folgendermasse abglaufe: Es hät 4 Mähdrescher i 4 Eggä gha. Di erschti het nödmol de Rennplatz erreicht. Wo denn de Schiedsrichter d Fahne gschwenkt het isches los gange. Die 3 verbliebende Mähdrescher sind denn uf dem Platz umegfahre und hend enand zerstört! S Ziel vo de ganze Sach: De letschti Mähdrescher wo na fahrt het gwunne! Das sehr interessante, lustige, lärmige, motorige, kaputtmach spektakel isch 20 min gange. Und üs hets gfallä!! ☺

FOTOS FOLGEN!!!

Es grüsst das Team Canada

Dani und Ueli